

## AAQQISSERT normu 2

Aalajangiiffigisassatut siunnersuut marsip 19-iat 2012-imi ullulerneqarsimasoq taartigaa.

Naqqiissummut siullermut peqquataavoq, Aningaasanut Nakkutilliisuutit ilanngussanik nutaanik malinnaasillugit nassiussisimmamata Folketingi inatsit allannguiffiginissaat pillugu siunnersuut tulliani taaneqartoq suliarimmagu kinguneranik allannguuteqarsimammat; Aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsisip, aningaasalersuineramik ingerlataqarneq pillugu inatsisip, pappiaranik nalilinnik il.il. niuerneq pillugu inatsisip, aningaasaqarniarnikkut patajaatsuussuseq pillugu inatsisip aamma akileraartarneq pillugu inatsisip allannguiffiginissaat pillugu inatsit.

Inatsisartut suleriaasianni § 33, imm. 4 naapertorlugu aalajangiiffigisassatut siunnersuut matumuuna Naalakkersuisut saqqummiuppaat.

**Aningaasalersuineramik ingerlatsineq pillugu inatsisip Kalaallit Nunaannut atuutilersinneqarnissaanik peqqussut , pappiaranik nalilinnik niuerneq pillugu inatsit, allanngortinneqarnissaanik siunnersuut § 4 aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsip, aningaasanik sullissineq pillugu inatsip, pappiaranik nalilinnik il.il. niuerneq pillugu inatsisip, aningaasaqarniarnikkut patajaatsuussuseq pillugu inatsisip aamma akileraartarneq pillugu inatsisip allanngornissaannut kiisalu Aningaasaliissuteqartunut aningaasaliisunullu qularnaveeqqusiinermut aningaasaateqarfik pillugu inatsisip allanngortinneqarnissaa pillugu inatsisip Kalaallit Nunaannut atortussanngortinneqarnissaa pillugu kunngip peqqussutaa.**  
(Inuussutissarsiornermut Aatsitassanullu Naalakkersuisoq)

### **Tunngavik**

Inatsisissatut siunnersuutit inatsisissatut siunnersuutit ataatsimoortut annertunerusut immikkoortuisa aapparaat, ilaatigullu aningaasanut tunngasunik suliaqartut sullitassat pillugit akuersissutisarnemannut imaluunniit qularnaveeqqusiinernik tiguisarnemannut kiisalu paasissutissanik katersuiffinnik nakkutilliinermut tunngasuupput. Siunertaq pingaarneq tassaavoq aningaasarsiornikkut ajornartorsiornep malitsigisaanik suliniutit arlaqartut piviusunngortinnissaat. Taamaalilluni aningaasarsiornikkut ajornartorsiornep nalaani misilittakkat arlaqartut katersorneqarput, taakkualu qisuariaqarfigineqarlutik.

### **Inatsisissatut siunnersuutip imarisai**

Aningaasanut tunngasunik suliaqartut pillugit inatsit kunngip peqqussutaatigut nr. 1252, 15. december 2004-meersukkat aningaasanut tunngasunik suliaqartut pillugit inatsit Kalaallit Nunaannut atortussanngortinneqarmalli, Danmarkimi arlaleriarluni allanngortinneqartarsimavoq. Allannguutit taakkuupput maanna aqqiissuussinikkut Kalaallit Nunaannut atortussanngortinneqarsinnaasut.

**Pappiaranik nalilinnik il. il. niuerneq pillugu inatsit kunngip peqqussutaatigut nr. 208, 17. marts 1997-meersukkat aningaasanik nalilinnik sullissivik il.il. pillugit inatsit Kalaallit**

Nunaannut atortussanngortinneqarmalli, assigisaanik Danmarkimi arlaleriaqaluni allanngortinneqartarsimavoq. Allannguutit taakku aamma Kalaallit Nunaannut maanna atortussanngortinneqarsinnaalissapput.

Naalisakkani marluusuni inatsisit allannguutissaattut siunnersuutit imaat pingaarnersiorlugit sammineqassapput.

Aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsisip, aningaasalersuinermik ingerlataqarnej pillugu inatsisip, pappiaranik nalilinnik il.il. niuernej pillugu inatsisip, aningaasaqarniarnikkut patajaatsuussuseq pillugu inatsisip aamma akileraartarnej pillugu inatsisip allannguiffiginissaat pillugit inatsiseq danskit inatsisigaat, § 4 Kalaallit Nunaannut toqqaannartumik atuutilernissaa matumuuna siunnersuutigineqarpoq. Inatsimmi § 4-mi malittarisassatigut allassimavoq Finansielt Stabilitet A/S naalagaaffik sinnerlugu tapiissuteqarsinnaasoq, pissutsit imaappata, aningaaseriviup ingerlalluartup aningaaserivik ingerlanerliortoq tigujuumassallugu. Taamaasilluni aningaaserivik ingerlalluartoq aningaasaliissuteqartunut Qularnaveeqqusiinermut Aningaasaateqarfimmit tapiiffigineqassaaq, Finansielt Stabilitet A/S-imit tapiiffigineqarnermi saniatigut.

Kunnigip peqqussutaa qularnaveeqqusiinermut aningaasaateqarfik pillugu inatsisip annikitsumik allanngorneranut tunngasuvoq. Aningaaseriviit ajornartorsiuteqarlutik ingerlasut matunissaannut periarfissat nukittorsaaviginissaat allannguinikkut siunertarineqarpoq. Aningaaseriviit Aningaasaateqarfimmut ukiumoortumik akiliutaasa aalajangersarneqartarnissaat pillugu aalajangersakkanik inatsisissatut siunnersuut imaqarpoq.

### **Aningaasatigut kinguneri**

Inatsisissatut siunnersuutit aningaasatigut kinguneqassanngitsut nalilerneqarpoq.

### **Attaveqaqatigiinneq**

Soqanngilaq

### **Tusarniaaneq**

Inatsisissatut siunnersuutit makkununnga tusarniaassutigineqarput: Siulittaasup Naalakkersuisoqarfia, Ineqarnermut, Attaveqaatinut Angallannermullu Naalakkersuisoqarfik, Aningaasaqarnermut Naalakkersuisoqarfik, Aalisarnermut, Piniarnermut Nunalerinermullu Naalakkersuisoqarfik, Peqqissutsimut Naalakkersuisoqarfik, Ilaqutariinnermut, Kulturimut, Ilageeqarnermut Naligiissitaanermullu Naalakkersuisoqarfik, Ilinniartitaanermut Ilisimatusarnermullu Naalakkersuisoqarfik, Nunamut Namminermut Tunngasunut, Pinngortitamut Avatangiisinullu Naalakkersuisoqarfik, BankNordik, GrønlandsBANKEN, Kalaallit Nunaanni Sulisitsisut, SIK, KANUKOKA, Codan Forsikring, Kalaallit Forsikring.

Tusarniaanermut akissutit makkununnga pissarsiarineqarput: BankNordik Nunamut Namminermut Tunngasunut, Pinngortitamut Avatangiisinullu Naalakkersuisoqarfik aamma GrønlandsBANKEN-imit oqaaseqaatit amerlanngitsut pineqarput, inatsisissatut siunnersuummut suliaralugit ilanngunneqartut.

Inatsisissatut siunnersuummut isumaqatigiissummut tunngaviusut pillugit tusarniaanermut atatillugu Grønlandsbankenip oqaatigaa aningaasaqarnermut tunngasunik suliaqartunut ataatsimoorussamik sinaakkusiussat Naalagaaffeqaqatigiinnermi aningaaseriviit sinnerisa tamarmik malittussaasaasa avataannut Kalaallit Nunaata inissinnginnissaata tunngaviusumik pingaaruteqartoq. Avataaniinnerup kingunerissavaa, Kalaallit Nunaanni aningaaseriviit aningaaserivinnut assigisaminnut allanut naleqqiullutik ulorianartorsiornerusutut isigineqalersinnaanerit. Kalaallit Nunaanni aningaaseriviit suliamik ingerlatsisuni namminersortunilu aningaasaliissuteqarsinnaasunik nassaarniarsinnaanerannut

sunniuteqassaaq, taamaalillunilu kalaallit suliffeqarfiinut angerlarsimaffinnullu attartornermi atugassarititaasut ajornerulissallutik. Taamaattumik aningaasaqarnermut tunngasunik suliaqartunut ataatsimoorussamik sinaakkusiussanut Kalaallit Nunaata ilaatinnissaa kikkunnut tamanut iluaqutaasussaavoq.

Tamanna tunuliaqutaralugu Naalakkersuisut kaammattuutigaat ataani taaneqartut Kalaallit Nunaannut atortussanngortinneqarnissaat pillugu Inatsisartut aalajangissasut:

Aningaasanut tunngasunik suliaqarneq pillugu inatsisip Kalaallit Nunaannut atortussanngortinneqarnissaa pillugu kunngip peqqussutaa,

Pappiaranik nalilinnik sullissivik pillugu inatsisip Kalaallit Nunaannut atortussanngortinneqarnissaa pillugu kunngip peqqussutaa

aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsimmi § 4 allanngortinneqarnissaanik siunnersuut, aningaasanik sullissineq pillugu inatsip, pappiaranik nalilinnik il.il. niuerneq pillugu inatsisip, aningaasaqarniarnikkut patajaatsuussuseq pillugu inatsisip aamma akileraartarneq pillugu inatsisip, kiisalu

Aningaasaliissuteqartunut aningaasaliisunullu qularnaveeqqusiinermut aningaasaateqarfik pillugu inatsisip allanngortinneqarnissaa pillugu inatsisip Kalaallit Nunaannut atortussanngortinneqarnissaa pillugu kunngip peqqussutaa.

## **Ilanngussat**

- 1) Aningaasanut tunngasunik suliaqarneq pillugu inatsisip Kalaallit Nunaannut atortussanngortinneqarnissaa pillugu kunngip peqqussutaa
- 2) Aningaasanut tunngasunik suliaqarneq pillugu inatsisip Kalaallit Nunaannut atortussanngortinneqarnissaa pillugu kunngip peqqussutaata imaqarniliornera
- 3) Pappiaranik nalilinnik niuerneq pillugu inatsisip Kalaallit Nunaannut atortussanngortinneqarnissaa pillugu kunngip peqqussutaa
- 4) Pappiaranik nalilinnik niuerneq pillugu inatsisip Kalaallit Nunaannut atortussanngortinneqarnissaa pillugu kunngip peqqussutaata imaqarniliornera
- 5) Aningaasaliissuteqartunut aningaasaliisunullu qularnaveeqqusiilluni aningaasaateqarfik pillugu inatsisip, aningaasanik sullissineq pillugu inatsisip, pappiaranik nalilinnik il.il. niuerneq pillugu inatsisip, aningaasaqarniarnikkut patajaatsuussuseq pillugu inatsisip aamma akileraartarneq pillugu inatsisip allanngortinneqarnissaanut inatsisissatut siunnersuut.
- 5a) Ilanngunneqarpoq aningaasaliisut aningaasalersuisullu qularnaveeqqusiiffiginissaannut aningaasaateqarfik pillugu inatsisimut, aningaasanik sullissineq pillugu inatsisimut, pappiaranik nalilinnik il.il. niuerneq pillugu inatsisimut, aningaasaqarniarnikkut patajaatsuussuseq pillugu inatsisimut aamma akileraartarneq pillugu inatsisimut isumaliutissiissut
- 6) Aningaasaliissuteqartunut aningaasaliisunullu qularnaveeqqusiinermut aningaasaateqarfik pillugu inatsisip allanngortinneqarnissaa pillugu inatsisip Kalaallit Nunaannut atortussanngortinneqarnissaa pillugu kunngip peqqussutaa.
- 7) Aningaasaliissuteqartunut aningaasaliisunullu qularnaveeqqusiinermut aningaasaateqarfik pillugu inatsisip allanngortinneqarnissaa pillugu inatsisip Kalaallit Nunaannut atortussanngortinneqarnissaa pillugu kunngip peqqussutaata imaqarniliornera.